

**Դատական Գործ N: ՎԴ/12248/05/21****Վարչական****Նոր քաղաքացիական գործ**

**Հայցադիմումը /դիմումը/ ստացվել է:** 05-11-2021

**Հայցվոր/դիմող**

**Անվանում:** Ինֆորմացիայի ազատության կենտրոն ԻԱԿ

**Հասցե:** ք.Երևան, Բուզանդի 1/3 4-րդ հարկ

**Ներկայացուցիչ**

**Անուն** Շուշան

**Ազգանուն** Դոյրոյան

**Հասցե** &blk12;&blk12;&blk12;&blk12;&blk12;&blk12;&blk12;&blk12;&blk12;&blk12;

**Պատասխանող**

**Անվանում:** Երևանի քաղաքապետարան

**Հասցե:** ք.Երևան, Արգիշտի 1

**Ինքնուրույն պահանջ ներկայացնող:****3-րդ անձ**

**Անուն**

**Ազգանուն**

**Հասցե**

**Պահանջ:** ք.Երևան, Սիլիկյան հին խճուղի 60/1 հասցեի վերաբերյալ հայցված տեղեկատվությունը տրամադրելուն պարտավորեցնելու պ/մ

**Հիմնական պահանջի վիճակագրության տողի համարը:** 2.2

**Պատասխանի ստացման ամսաթիվը:**

**Լրացուցիչ պահանջի վիճակագրության տողի համարը:**

**Այլ նշումներ:**

**Պահանջն անհատականացնող տվյալ:**

**Ստացման եղանակ:** Փոստով

**Պետական տուրք**

**Անդորրագիրը/Միջնորդությունը դատարան ներկայացնելու ամսաթիվ:** 05-11-2021

**Ներկայացվել է:** Անդորրագրեր)գիր

Պետ. տուրքի վճարման ամսաթիվը:	02-11-2021
Պետ. տուրքի վճարման անդորրագրի համարը:	001755
Պետ. տուրք (ՀՀ դրամ):	10000
Այլ նշումներ:	
<b>Մակագրել (Նախագահի կողմից)</b>	
Գործի համար:	ՎԴ/12248/05/21
Ամսաթիվ:	05-11-2021
<b>Նախագահող դատավոր</b>	
Դատարանի անվանում:	Վարչական
Դատավորի անուն:	Գրիգոր Սամվելի Առաքելյան
<b>Դատավոր</b>	
Դատարանի անվանում:	Վարչական
Դատավորի անուն:	
Այլ նշումներ:	
<b>Հայցադիմումը վերադարձվել է</b>	
Ամսաթիվ:	12-11-2021
<b>Որոշման հիմքը</b>	
Հոդված	5,77,79,123,127,131
Օրենսգիրք:	Վարչական դատավարության օրենսգիրք
Որոշման բովանդակություն:	
Այլ նշումներ:	
<b>Դատական ակտ</b>	
Դատական ակտ:	<p>ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՎԱՐՉԱԿԱՆ ԴԱՏԱՐԱՆ Վարչական գործ թիվ ՎԴ/12248/05/21</p> <p>Ո Ր Ո Շ ՈՒ Մ ՀԱՅՑԱԴԻՄՈՒՄԸ ՎԵՐԱԴԱՐՁՆԵԼՈՒ ՄԱՍԻՆ</p> <p>12.11.2021թ. ք. Երևան</p> <p>Հայաստանի Հանրապետության վարչական դատարանը, դատավոր՝ Գ.Առաքելյան, ծանոթանալով «Ինֆորմացիայի ազատության կենտրոն» կազմակերպության անունից նախագահի կողմից ներկայացրած հայցադիմումին ու դրան կցված փաստաթղթերին,</p> <p>Պ Ա Ր Չ Ե Ց</p>

«Ինֆորմացիայի ազատության կենտրոն» կազմակերպության  
Նախագահը 05.11.2021թ. հայցադիմում է ներկայացրել Հայաստանի  
Հանրապետության վարչական դատարան ընդդեմ Երևանի  
քաղաքապետարանի՝ ք. Երևան, Սիլիկյան հին խճուղի 60/1 հասցեի  
վերաբերյալ հայցված տեղեկատվությունը տրամադրելուն  
պարտավորեցնելու պահանջի մասին:

Ուսումնասիրելով հայցադիմումը և դրան կից փաստաթղթերը՝  
դատարանը եզրակացրեց, որ հայցադիմումը ենթակա է վերադարձման՝  
հետևյալ պատճառաբանությամբ.

Հայաստանի Հանրապետության վարչական դատավարության օրենսգրքի  
79-րդ հոդվածի 1-ին մասի 1-ին կետի համաձայն՝ դատավորը  
վերադարձնում է հայցադիմումը, եթե չեն պահպանվել սույն օրենսգրքի  
73-րդ հոդվածի և 74-րդ հոդվածի 1-ին մասի 2-րդ, 6-րդ և 7-րդ կետերով  
սահմանված՝ հայցադիմումին առաջադրվող պահանջները, ինչպես նաև  
սույն օրենսգրքի 74-րդ հոդվածի 1-ին մասի 5-րդ կետով սահմանված  
պահանջը, եթե համապատասխան վիճարկվող ակտը կամ դրա պատճենը  
հնարավոր է ներկայացնել:

Հայաստանի Հանրապետության վարչական դատավարության օրենսգրքի  
73-րդ հոդվածի 2-րդ մասի 8-րդ կետի համաձայն՝ հայցադիմումը  
բովանդակում է՝ տեղեկություններ՝ վարչական ակտը, վարչական մարմնի  
գործողությունը կամ անգործությունը վերադասության կարգով  
բողոքարկելու վերաբերյալ:

Հայաստանի Հանրապետության վարչական դատավարության օրենսգրքի  
68-րդ հոդվածի համաձայն՝ գործողության կատարման հայցով հայցվորը  
կարող է պահանջել կատարելու որոշակի գործողություններ կամ  
ձեռնպահ մնալու այնպիսի գործողություններից, որոնք ուղղված չեն  
վարչական ակտի ընդունմանը:

Գործողության կատարման հայցով հայցվորը կարող է պահանջել նաև  
օրենքով սահմանված ժամկետում վարչական ակտ չընդունվելու  
հետևանքով վարչական ակտն ընդունված համարվելու դեպքում

տրամադրել օրենքով նախատեսված համապատասխան փաստաթուղթը:  
Հայաստանի Հանրապետության վարչական դատավարության օրենսգրքի  
72-րդ հոդվածի 1-ին մասի 3-րդ կետի համաձայն՝ գործողության  
կատարման հայցի դեպքում՝

ա. մեկամսյա ժամկետում՝ վարչական մարմնի կողմից գործողության  
կատարումը մերժելու մասին իրազեկվելու պահից,

բ. երկամսյա ժամկետում այն պահից, երբ լրացել է հայցվող գործողության  
կատարման համար սահմանված ժամկետը,

գ. եռամսյա ժամկետում այն պահից, երբ դիմում է ներկայացվել հայցվող  
գործողությունը կատարելու համար, եթե առկա չեն սույն կետի «ա» և «բ»  
ենթակետերով նախատեսված դեպքերը:

Սույն դեպքում, հայցվորը հայցադիմումով նշել է, որ 04.08.2021  
թվականին դիմել է պատասխանողին՝ տեղեկատվություն տրամադրելու  
մասին, որին ի պատասխան պատասխանողը հայտնել է, որ  
տեղեկատվության հայցմամբ տրված հասցեի հետ որևէ լիազորություն  
չունի: Այնուհետև՝ 12.08.2021 թվականին կրկին դիմել է պատասխանողին  
և ստացել է նույն պատասխանը, որից հետո 19.08.2021 թվականին կրկին  
դիմել է պատասխանողին՝ ստույգ պատասխան ստանալու համար,  
սակայն կրկին ստացվել է նույն պատասխանը: Միաժամանակ, հայցվորը  
նշել է, որ 02.09.2021 թվականին ներկայացվել է վարչական բողոք, որը  
թողնվել է անպատասխան:

Դատարանը նաև արձանագրում է, որ հայցադիմումին կից դատարան չի  
ներկայացվել հայցվորի կողմից նշված՝ 02.09.2021 թվականին Երևանի  
քաղաքապետարան ներկայացված վարչական բողոքի օրինակը և այն  
պատասխանողի կողմից ստացվելու հանգամանքը հաստատող որևէ  
ապացույց:

Այսպիսով, դատարանը նշում է, որ քննարկվող հայցապահանջը  
ներկայացված է ՀՀ վարչական դատավարության օրենսգրքի 68-րդ  
հոդվածով սահմանված հայցատեսակին համապատասխան, որպիսի  
հայցատեսակով դատական պաշտպանության դիմելու համար Օրենսդրի  
կողմից սահմանված են հստակ ժամկետներ, իսկ սույն դեպքով՝ հայցվորը  
տեղեկատվությունն առաջին անգամ հայցել է 04.08.2021 թվականին,

այնուհետև՝ 12.08.2021թ. և 19.08.2021թ., միաժամանակ, պնդում է, որ 02.09.2021 թվականին ներկայացրել է վարչական բողոք, սակայն հայցադիմումին կից ներկայացված չեն ո՛չ վարչական բողոքը, ո՛չ այն պատասխանողի կողմից ստանալու փաստը հաստատող որևէ ապացույց, ուստի դատարանը նշում է, որ անհրաժեշտ է դատարան ներկայացնել վերը նշված ապացույցները, որպեսզի դատարանը հնարավորություն ունենա քննարկելու հայցադիմումը դատարան ներկայացնելու համար սահմանված դատավարական ժամկետների պահպանման հարցը, հետևաբար հայցադիմումը ենթակա է վերադարձման՝ Հայաստանի Հանրապետության վարչական դատավարության օրենսգրքի 79-րդ հոդվածի 1-ին մասի 1-ին կետի հիմքով:

Միաժամանակ դատարանը նշում է, որ Հայաստանի Հանրապետության վարչական դատավարության օրենսգրքի 79-րդ հոդվածի 5-րդ մասի համաձայն՝ հայցադիմումում թույլ տրված սխալները վերացնելու և որոշումը ստանալու օրվանից հետո՝ տասնհինգօրյա ժամկետում, վարչական դատարան կրկին ներկայացվելու դեպքում հայցադիմումը վարույթ ընդունված է համարվում սկզբնական ներկայացման օրը:

Ելնելով վերոգրյալից և ղեկավարվելով Հայաստանի Հանրապետության վարչական դատավարության օրենսգրքի 5-րդ հոդվածի 3-րդ մասով, 77-րդ հոդվածի 1-ին մասի 2-րդ կետով, 79-րդ հոդվածի 1-ին մասի 1-ին, 3-րդ և 7-րդ կետերով, 123-րդ հոդվածով, 127-րդ հոդվածի 11-րդ մասով, 131-րդ հոդվածով, դատարանը

**Ո Ր Ո Շ Ե Ց**

1. «Ինֆորմացիայի ազատության կենտրոն» կազմակերպության անունից ներկայացված հայցադիմումը և դրան կցված փաստաթղթերը վերադարձնել հայցվորին:

Սույն որոշումն ուժի մեջ է մտնում որոշումն ստանալուց 5 օր հետո և մինչև օրինական ուժի մեջ մտնելու սահմանված ժամկետը կարող է բողոքարկվել Հայաստանի Հանրապետության վարչական վերաքննիչ դատարան:

ԴԱՏԱՎՈՐ ԳՐԻԳՈՐ ԱՌԱՔԵԼՅԱՆ

**Դատական ակտի ամսաթիվը:**

12-11-2021

**Ակտով հոգուտ պետ. բյուջեի բռնագանձման ենթակա պետ. (ՀՀ դրամ):**

0

**Ակտով հոգուտ պետ. բյուջեի բռնագանձ. ենթակա պետ (ԱՄՆ դոլլար):**

**Ակտով հոգուտ պետ. բյուջեի բռնագանձ. ենթակա պետ (Եվրո):**

**Ակտով հոգուտ պետ. բյուջեի բռնագանձ. ենթակա պետ (ՌԴ ռուբլի):**

**Ամբողջությամբ կամ մասնակիորեն բեկանելու և ... մասին դատական ակտ կայացրած դատավորների ցանկ**

Դատարանի անվանում: **Վարչական**  
 Դատավորի անուն:

**Որոշումն ուղարկվել է կողմերին**

**Ամսաթիվ:** 12-11-2021

**Ելքի համարը:** ԴԴ-9-Ե-50343/21

Այլ նշումներ:	
<b>Պետ. տուրքը վերադարձվել է (անդորրագիրը)</b>	
Ամսաթիվ:	12-11-2021
Պետ. տուրք (ՀՀ դրամ):	10000
Այլ նշումներ:	
<b>Հայցադիմումը կրկին ներկայացվել է</b>	
Ներկայացման ամսաթիվ:	25-11-2021
<b>Մակագրել (Նախագահի կողմից)</b>	
Գործի համար:	ՎԴ/12248/05/21
Ամսաթիվ:	25-11-2021
<b>Նախագահող դատավոր</b>	
Դատարանի անվանում:	Վարչական
Դատավորի անուն:	Արմեն Գոգոյի Ներսիսյան
<b>Դատավոր</b>	
Դատարանի անվանում:	Վարչական
Դատավորի անուն:	
Այլ նշումներ:	
<b>Պետական տուրք</b>	
Անդորրագիրը/Միջնորդությունը դատարան ներկայացնելու ամսաթիվ:	25-11-2021
Ներկայացվել է:	Անդորրագրեր)գիր
Պետ. տուրքի վճարման ամսաթիվը:	02-11-2021
Պետ. տուրքի վճարման անդորրագրի համարը:	001755
Պետ. տուրք (ՀՀ դրամ):	10000
Այլ նշումներ:	
<b>Ընդունվել է վարույթ</b>	
Որոշման ամսաթիվ:	02-12-2021
Որոշման բովանդակություն:	ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱԿԱՆ ԴԱՏԱՐԱՆ Ո Ր Ո Շ Ո Ւ Մ ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ ՆԱԽՆԱԿԱՆ ԴԱՏԱԿԱՆ ՆԻՍՏ ՀՐԱՎԻՐԵԼՈՒ ՄԱՍԻՆ  «02» դեկտեմբերի 2021 թվական ք. Երևան

Վարչական գործ թիվ ՎԴ/12248/05/21

Հայաստանի Հանրապետության վարչական դատարանը /այսուհետ նաև՝  
Դատարան/, նախագահությամբ Արմեն Ներսիսյանի, ծանոթանալով  
<<Ինֆորմացիայի ազատության կենտրոն>> ՀԿ ընկերության կողմից  
ներկայացված հայցադիմումին և կից փաստաթղթերին.

**Պ Ա Ր Չ Ե Ց**

<<Ինֆորմացիայի ազատության կենտրոն>> ՀԿ ընկերության  
/ներկայացուցիչ՝ Շուշանիկ Դոյդոյան/ կողմից 05.11.2021 թվականին  
հայցադիմում է ստացվել Դատարան ընդդեմ Երևանի  
քաղաքապետարանի՝ քաղաք Երևան, Սիլիկյան հին խճուղի 60/1 հասցեի  
վերաբերյալ հայցված տեղեկատվությունը տրամադրելուն  
պարտավորեցնելու պահանջի մասին:

Դատարանի՝ 12.11.2021 թվականի որոշմամբ հայցադիմումը  
վերադարձվել է:

25.11.2021 թվականին հայցադիմումը կրկին ներկայացվել է Դատարան:  
Ուսումնասիրելով կրկին ներկայացված հայցադիմումը և կից  
փաստաթղթերը, Դատարանը գտնում է, որ դրանք ներկայացվել են  
Հայաստանի Հանրապետության վարչական դատարանի օրենսգրքի  
73-րդ, 74-րդ հոդվածների պահանջներին համապատասխան,  
հետևաբար՝ Հայաստանի Հանրապետության վարչական  
դատավարության օրենսգրքի 78-րդ հոդվածի համաձայն՝ հայցադիմումը  
պետք է ընդունել վարույթ:

Միաժամանակ Դատարանը գտնում է, որ սույն գործի արդյունավետ  
քննությունն ապահովելու նպատակով պետք է գործը նախապատրաստել  
դատաքննության և կողմերին հրավիրել նախնական դատական նիստի:  
Ելնելով վերոգրյալից և ղեկավարվելով Հայաստանի Հանրապետության  
վարչական դատավարության օրենսգրքի 73-րդ, 74-րդ, 77-րդ, 78-րդ, 89-  
րդ, 123-րդ հոդվածներով, 127-րդ հոդվածի 10-րդ մասով, Հայաստանի  
Հանրապետության քաղաքացիական դատավարության օրենսգրքի 199-  
րդ, 200-րդ հոդվածներով, Դատարանը՝

**Ո Ր Ո Շ Ե Ց**

<<Ինֆորմացիայի ազատության կենտրոն>> ՀԿ ընկերության  
հայցադիմումն ընդդեմ Երևանի քաղաքապետարանի՝ քաղաք Երևան,  
Սիլիկյան հին խճուղի 60/1 հասցեի վերաբերյալ հայցված  
տեղեկատվությունը տրամադրելուն պարտավորեցնելու պահանջի մասին,  
ընդունել վարույթ:

Սույն վարչական գործը նախապատրաստել դատաքննության և կողմերին  
հրավիրել նախնական դատական նիստի 2022 թվականի փետրվարի 15-  
ին, ժամը 11:40-ին, ՀՀ վարչական դատարանի շենքում, հասցե՝ ք.Երևան,  
Գ.Նժդեհի 23, թիվ 16-րդ դատական նիստերի դահլիճ:

Սույն որոշումն ուժի մեջ է մտնում կայացման պահից և ենթակա չէ  
բողոքարկման:

ԴԱՏԱՎՈՐ ԱՐՄԵՆ ՆԵՐՍԻՍՅԱՆ

Այլ նշումներ:

**Նշանակվել է դատաքննություն**

Դատաքննության ամսաթիվ: 15-02-2022

Ծանուցագիրը ուղարկվել է: 02-12-2021

Ժամ: 11:40

Նիստերի դահլիճի համար: 16

Նշանակվել է: Նախնական դատական նիստ

<b>Նիստը:</b>	Կայացվել է
<b>Պատճառը:</b>	
<b>Այլ նշումներ:</b>	
<b>Անավարտ գործեր</b>	
<b>Հաշվետու ժամանակահատված:</b>	2021 թվական
<b>Տեսակը:</b>	Անավարտ գործեր, որոնք գտնվում են քննության փուլում
<b>Այլ նշումներ:</b>	
<b>Նշանակվել է դատաքննություն</b>	
<b>Դատաքննության ամսաթիվ:</b>	19-05-2022
<b>Ծանուցագիրը ուղարկվել է:</b>	18-02-2022
<b>Ժամ:</b>	11:40
<b>Նիստերի դահլիճի համար:</b>	16
<b>Նշանակվել է:</b>	Դատաքննություն
<b>Նիստը:</b>	Կայացվել է
<b>Պատճառը:</b>	
<b>Այլ նշումներ:</b>	
<b>Նշանակվել է դատաքննություն</b>	
<b>Դատաքննության ամսաթիվ:</b>	09-06-2022
<b>Ծանուցագիրը ուղարկվել է:</b>	19-05-2022
<b>Ժամ:</b>	16:35
<b>Նիստերի դահլիճի համար:</b>	16
<b>Նշանակվել է:</b>	Վճիռ/որոշում հրապարակելու օր
<b>Նիստը:</b>	Կայացվել է
<b>Պատճառը:</b>	
<b>Այլ նշումներ:</b>	
<b>Հայցի/հակընդդեմ հայցի լուծումը</b>	
<b>Հայցի լուծման ամսաթիվ:</b>	09-06-2022
<b>Հայցի լուծումը:</b>	Բավարարվել է
<b>Հոդված</b>	
<b>Հոդված</b>	60-րդ, 114-րդ, 123-127-րդ և 132-րդ

Չակընդդեմ հայցի լուծումը:	
Չակընդդեմ հայցի լուծման ամսաթիվ:	
Այլ նշումներ:	
Օրենսգիրք:	Վարչական դատավարության օրենսգիրք
<b>Դատական ակտ</b>	
<b>Դատական ակտ:</b>	<p>ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱԿԱՆ ԴԱՏԱՐԱՆ</p> <p>Վ Ճ Ի Ռ ՀԱՆՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ</p> <p>«09» հունիսի 2022 թվական վարչական գործ թիվ ՎԴ/12248/05/21 ք. Երևան</p> <p>Հայաստանի Հանրապետության վարչական դատարանը /այսուհետ՝ Դատարան/ Նախագահությամբ՝ դատավոր Արմեն Ներսիսյանի քարտուղարությամբ՝ Ա. Եղիազարյանի, Է. Լազյանի մասնակցությամբ՝ հայցվորի ներկայացուցիչ Գևորգ Հայրապետյանի, Նույնականացման քարտ 004455168, տրված 26.12.2004թ., 001-ի կողմից, հաշվառված՝ ք. Երևան, Դավթաշեն 1-ին թաղամաս, 51 շենք, բն. 56</p> <p>դռնբաց դատական նիստում քննելով վարչական գործն ըստ հայցի «Ինֆորմացիայի ազատության կենտրոն» ՀԿ ընկերության ընդդեմ Երևանի քաղաքապետարանի՝ քաղաք Երևան, Սիլիկյան հին խճուղի 60/1 հասցեի վերաբերյալ հայցված տեղեկատվությունը տրամադրելուն պարտավորեցնելու պահանջի մասին՝</p> <p><b>Պ Ա Ր Չ Ե Ց</b></p> <p>Գործի դատավարական Նախապատմությունը. «Ինֆորմացիայի ազատության կենտրոն» ՀԿ ընկերության /ներկայացուցիչ՝ Շուշանիկ Դոյրոյան/ կողմից 05.11.2021 թվականին հայցադիմում է ստացվել Դատարան ընդդեմ Երևանի քաղաքապետարանի՝ քաղաք Երևան, Սիլիկյան հին խճուղի 60/1 հասցեի վերաբերյալ հայցված տեղեկատվությունը տրամադրելուն պարտավորեցնելու պահանջի մասին: Դատարանի (դատավոր Գ. Առաքելյան)՝ 12.11.2021 թվականի որոշմամբ հայցադիմումը վերադարձվել է: 25.11.2021 թվականին հայցադիմումը կրկին ներկայացվել է Դատարան և Նույն օրը մակագրվել է դատավոր Արմեն Ներսիսյանին՝ դատավոր Գ. Առաքելյանի՝ դատավորների 2021թ. վերապատրաստման դասընթացներին մասնակցելու կապակցությամբ: Դատարանի՝ 02.12.2021 թվականի որոշմամբ կրկին ներկայացված հայցադիմումն ընդունվել է վարույթ և հրավիրվել է Նախնական դատական նիստ: Դատարանի՝ 15.02.2022 թվականի որոշմամբ սույն վարչական գործը նշանակվել է դատաքննության:</p>

Ղատարանը 19.05.2022 թվականին դատաքննությունն ավարտված համարելով՝ գործն ըստ էության լուծող դատական ակտի հրապարակման օր է հայտարարել 09.06.2022 թվականը:

Հայցվորի փաստարկները, հիմնավորումները և պահանջը.  
Ղատարան ներկայացրած հայցադիմումով հայցվորը հայտնել է, որ 04.08.2021թ., 12.08.2021թ. և 19.08.2021թ. դիմել է Երևանի քաղաքապետարան՝ քաղաք Երևան, Սիլիկյան հին խճուղի 60/1 հասցեի վերաբերյալ տեղեկատվություն հայցելու նպատակով, սակայն, պատասխանողը ներկայացրել է ոչ լիարժեք տեղեկատվություն: 02.09.2021թ. հայցվորը ներկայացրել է վարչական բողոք, որը թողնվել է անպատասխան:

Խնդրել է պարտավորեցնել Երևանի քաղաքապետարանին հայցվորին տրամադրելու քաղաք Երևան, Սիլիկյան հին խճուղի 60/1 հասցեի վերաբերյալ հայցված տեղեկատվությունը:

Ղատասխանողի փաստարկները, հիմնավորումները և պահանջը.  
Ղատասխանող Երևանի քաղաքապետարանը չի ներկայացրել հայցադիմումի պատասխան կամ որևէ առարկություն:

Գործի լուծման համար էական նշանակություն ունեցող փաստերը.

- հայցվորի՝ Երևանի քաղաքապետին ուղղված՝ 04.08.2021թ. դիմում, որով հայցվել է հետևյալ տեղեկատվությունը. 1) տեղյակ է, արդյո՞ք, Երևանի քաղաքապետը Երևան քաղաքի Սիլիկյան հին խճուղի 60/1 հասցեի բնակելի թաղամասի անմիջական հարևանությամբ գործող քարի արտադրամասի անօրինական գործունեության մասին, 2) ի՞նչ քայլեր է ձեռնարկել/ձեռնարկում քաղաքապետարանը արտադրամասի անօրինական գործունեությունն անհապաղ դադարեցնելու նպատակով,  
- Երևանի քաղաքապետարանի՝ 10.08.2021թ. թիվ 19/98733 գրությունը՝ ի պատասխան հայցվորի՝ 04.08.2021թ. դիմումի, որով հայտնվել է, որ ի կատարումն ՀՀ վարչական դատարանի թիվ ՎԴ/5941/05/21 վարչական գործով 28.07.2021թ. տրված կատարողական թերթի՝ հարկադիր կատարումն ապահովող ծառայության Երևան քաղաքի Կենտրոն և Նորք-Մարաշ բաժնի ավագ հարկադիր կատարողի որոշմամբ արգելվել է Երևանի քաղաքապետարանին Երևան քաղաքի Սիլիկյան հին խճուղու հարևանությամբ գտնվող շինության քանդումը և/կամ ապամոնտաժումը: Հայտնվել է նաև, որ արտադրամասի գործունեությունը դադարեցնելու առումով Երևանի քաղաքապետարանը լիազորություն չունի,

- հայցվորի՝ Երևանի քաղաքապետին ուղղված՝ 12.08.2021թ. դիմում, որով հայցվել է հետևյալ տեղեկատվությունը. 1) ո՞ր պետական մարմնի լիազորությունն է կասեցնելու կամ դադարեցնելու համայնքին պատկանող հողամասում անօրինական գործող արտադրամասի գործունեությունը, 2) ունի, արդյո՞ք, քարի արտադրամասի տնտեսվարող (ՄԻԶԱՅԵԼ ՂԱԶԱՐՅԱՆ ՍԵՐՉԵՅԻ Ա/Ձ-ն) համայնքային հողի օրինական օգտագործման կամ վարձակալության պայմանագիր քաղաքապետարանի կամ Աջափնյակի թաղապետարանի հետ, թե՞ նա պարզապես զավթել է համայնքին պատկանող հողը, 3) ինչու՞ է Երևանի քաղաքապետարանը դրսևորել անգործություն, և անգամ հեղափոխությունից հետո՞ մինչև 2021 թվականի ապրիլի 30-ը, համայնքին պատկանող հողի վրա 10 տարուց ավելի անօրինական գործունեություն ծավալող քարի արտադրամասը չի քանդել կամ ապամոնտաժել,

- Երևանի քաղաքապետարանի՝ 19.08.2021թ. թիվ 19/102668 գրությունը՝ ի պատասխան հայցվորի՝ 12.08.2021թ. դիմումի, որով հայտնվել է, որ ի կատարումն ՀՀ վարչական դատարանի թիվ ՎԴ/5941/05/21 վարչական գործով 28.07.2021թ. տրված կատարողական թերթի՝ հարկադիր կատարումն ապահովող ծառայության Երևան քաղաքի Կենտրոն և Նորք-Մարաշ բաժնի ավագ հարկադիր կատարողի որոշմամբ արգելվել է Երևանի քաղաքապետարանին Երևան քաղաքի Սիլիկյան հին խճուղու հարևանությամբ գտնվող շինության քանդումը և/կամ ապամոնտաժումը,

- հայցվորի՝ Երևանի քաղաքապետին ուղղված՝ 19.08.2021թ. դիմում, որով հայցվել է հետևյալ տեղեկատվությունը. 1) ո՞ր պետական մարմնի լիազորությունն է կասեցնելու կամ դադարեցնելու համայնքին պատկանող

հողամասում անօրինական գործող արտադրամասի գործունեությունը, 2) ունի, արդյո՞ք, քարի արտադրամասի տնտեսվարողը (ՄԻԶԱՅԵԼ ՂԱՉԱՐՅԱՆ ՍԵՐՊԵՅԻ Ա/Ձ-ն) համայնքային հողի օրինական օգտագործման կամ վարձակալության պայմանագիր քաղաքապետարանի կամ Աջափնյակի թաղապետարանի հետ, թե՞ նա պարզապես զավթել է համայնքին պատկանող հողը, 3) ինչու՞ է Երևանի քաղաքապետարանը դրսևորել անգործություն, և անգամ հեղափոխությունից հետո՞ մինչև 2021 թվականի ապրիլի 30-ը, համայնքին պատկանող հողի վրա 10 տարուց ավելի անօրինական գործունեություն ծավալող քարի արտադրամասը չի քանդել կամ ապամոնտաժել, - Երևանի քաղաքապետարանի՝ 25.08.2021թ. թիվ 19/105694 գրությունը՝ ի պատասխան հայցվորի՝ 19.08.2021թ. դիմումի, որով հայտնվել է, որ ի կատարումն ՀՀ վարչական դատարանի թիվ ՎԴ/594/05/21 վարչական գործով 28.07.2021թ. տրված կատարողական թերթի՝ հարկադիր կատարումն ապահովող ծառայության Երևան քաղաքի Կենտրոն և Նորք-Մարաշ բաժնի ավագ հարկադիր կատարողի որոշմամբ արգելվել է Երևանի քաղաքապետարանին Երևան քաղաքի Սիլիկյան հին խճուղու հարևանությամբ գտնվող շինության քանդումը և/կամ ապամոնտաժումը, - հայցվորի՝ Երևանի քաղաքապետին ուղղված՝ 02.09.2021թ. բողոքը, որով հայցվորը խնդրել է հարուցել վարչական վարույթ, քննել «Ինֆորմացիայի ազատության կենտրոն» ՀԿ ընկերության՝ 12.08.2021թ. և 19.08.2021թ. հարցումներին ներկայացված պատասխանների իրավաչափությունը, հանձնարարել «Ինֆորմացիայի ազատության կենտրոն» ՀԿ ընկերության հարցումներին ի պատասխան տրամադրել պահանջված տեղեկությունները՝ օրենսդրությամբ սահմանված կարգով և պահանջների պահպանմամբ:

Ղատարանի իրավական վերլուծությունները և եզրահանգումը. Լսելով հայցվորի ներկայացուցչի բացատրությունները, հետազոտելով և գնահատելով գործում առկա ապացույցները Ղատարանը գտնում է, որ հայցը ենթակա է մասնակի բավարարման՝ հետևյալ պատճառաբանությամբ.

Սահմանադրության 42-րդ հոդվածի 1-ին մասի համաձայն. «Յուրաքանչյուր ոք ունի իր կարծիքն ազատ արտահայտելու իրավունք: Այս իրավունքը ներառում է սեփական կարծիք ունենալու, ինչպես նաև առանց պետական և տեղական ինքնակառավարման մարմինների միջամտության և անկախ պետական սահմաններից՝ տեղեկատվության որևէ միջոցով տեղեկություններ ու գաղափարներ փնտրելու, ստանալու և տարածելու ազատությունը»:

Նույն հոդվածի 3-րդ մասի համաձայն. «Կարծիքի արտահայտման ազատությունը կարող է սահմանափակվել միայն օրենքով՝ պետական անվտանգության, հասարակական կարգի, առողջության և բարոյականության կամ այլոց պատվի ու բարի համբավի և այլ հիմնական իրավունքների և ազատությունների պաշտպանության նպատակով»:

Սահմանադրության 51-րդ հոդվածի համաձայն. «1. Յուրաքանչյուր ոք ունի պետական և տեղական ինքնակառավարման մարմինների ու պաշտոնատար անձանց գործունեության մասին տեղեկություններ ստանալու և փաստաթղթերին ծանոթանալու իրավունք:

2. Տեղեկություններ ստանալու իրավունքը կարող է սահմանափակվել միայն օրենքով՝ հանրային շահերի կամ այլոց հիմնական իրավունքների և ազատությունների պաշտպանության նպատակով:

3. Տեղեկություններ ստանալու կարգը, ինչպես նաև տեղեկությունները թաքցնելու կամ դրանց տրամադրումն անհիմն մերժելու համար պաշտոնատար անձանց պատասխանատվության հիմքերը սահմանվում են օրենքով»:

«Տեղեկատվության ազատության մասին» օրենքի 6-րդ հոդվածի 1-ին և 3-րդ մասերի համաձայն. «1. Յուրաքանչյուր անձ իրավունք ունի ծանոթանալու իր փնտրած տեղեկությանը և (կամ) դա ստանալու նպատակով օրենքով սահմանված կարգով հարցմամբ դիմելու տեղեկատվություն տնօրինողին և ստանալու այդ տեղեկությունը:

...  
3. Տեղեկատվության ազատությունը կարող է սահմանափակվել

Հայաստանի Հանրապետության Սահմանադրությամբ և օրենքով  
Նախատեսված դեպքերում»:

Նույն օրենքի 10-րդ հոդվածի 4-րդ մասի համաձայն. «Ոչ հավաստի կամ ոչ  
լրիվ տվյալներ պարունակող տեղեկություն տրամադրած մարմինը կամ  
կազմակերպությունն այդ տեղեկությունն ստացած անձի գրավոր  
հարցման հիման վրա պարտավոր է սույն օրենքով սահմանված կարգով  
անվճար տրամադրել ճշգրտված տվյալներով տեղեկություն»:

Նույն օրենքի 12-րդ հոդվածի 3-րդ կետի համաձայն. «Տեղեկատվության  
ազատության ապահովման ոլորտում տեղեկատվություն տնօրինող  
պարտավոր է օրենքով սահմանված կարգով ... տեղեկություններ փնտրող  
անձին տրամադրել հավաստի և իր տնօրինության տակ գտնվող  
ամբողջական տեղեկություն»:

ՀՀ կառավարության՝ 15.10.2015թ. թիվ 1204-Ն որոշմամբ սահմանված և

Նույն որոշման 2-րդ հավելվածով ներկայացված կարգի 8-րդ կետի  
համաձայն. «Հարցման պատասխանը պետք է լինի հավաստի և լրիվ՝  
պարունակելով բոլոր առաջադրված հարցերի հիմնավոր  
պատասխանները: Դիմողի կողմից մեկից ավելի հարցերի առաջադրման  
դեպքում պետական մարմինը հերթական համարակալման միջոցով  
տրամադրում է բոլոր հարցերի հավաստի և լրիվ պատասխանները:  
Դատարանն արձանագրում է, որ հայցվորը, ընդհանուր առմամբ, հայցել է  
հետևյալ հինգ տեղեկությունները.

1) տեղյակ է, արդյո՞ք, Երևանի քաղաքապետը Երևան քաղաքի Սիլիկյան  
հին խճուղի 60/1 հասցեի բնակելի թաղամասի անմիջական  
հարևանությամբ գործող քարի արտադրամասի անօրինական  
գործունեության մասին,

2) ի՞նչ քայլեր է ձեռնարկել/ձեռնարկում քաղաքապետարանը  
արտադրամասի անօրինական գործունեությունն անհապաղ  
դադարեցնելու նպատակով,

3) ո՞ր պետական մարմնի լիազորությունն է կասեցնելու կամ  
դադարեցնելու համայնքին պատկանող հողամասում անօրինական  
գործող արտադրամասի գործունեությունը,

4) ունի, արդյո՞ք, քարի արտադրամասի տնտեսվարողը (ՄԻԶԱՅԵԼ  
ՂԱԶԱՐՅԱՆ ՍԵՐՊԵՅԻ Ա/Ձ-ն) համայնքային հողի օրինական  
օգտագործման կամ վարձակալության պայմանագիր քաղաքապետարանի  
կամ Աջափնյակի թաղապետարանի հետ, թե՞ նա պարզապես զավթել է  
համայնքին պատկանող հողը,

5) ինչու՞ է Երևանի քաղաքապետարանը դրսևորել անգործություն, և  
անգամ հեղափոխությունից հետո՝ մինչև 2021 թվականի ապրիլի 30-ը,  
համայնքին պատկանող հողի վրա 10 տարուց ավելի անօրինական  
գործունեություն ծավալող քարի արտադրամասը չի քանդել կամ  
ապամոնտաժել:

Դատարանն արձանագրում է, որ վերը հիշատակված 1-3-րդ և 5-րդ  
կետերում նշված տեղեկությունները վերաբերում են խնդրո առարկա  
արտադրամասի ենթադրյալ ապօրինի գործունեությանը, այսինքն՝  
ենթադրյալ ապօրինի ձեռնարկատիրական գործունեությանն այն  
դեպքում, երբ «Տեղական ինքնակառավարման մասին» և «Երևան  
քաղաքում տեղական ինքնակառավարման մասին» օրենքներով  
համայնքի ղեկավարը չունի արտադրությամբ պայմանավորված  
ձեռնարկատիրական գործունեության բնագավառում լիազորություններ:  
Այսինքն՝ տվյալ դեպքում Երևանի քաղաքապետը չի հանդիսանում  
«Տեղեկատվության ազատության մասին» օրենքի իմաստով  
տեղեկատվություն տնօրինող, ինչը բացառում է համապատասխան  
տեղեկությունները տրամադրելու օբյեկտիվ հնարավորությունը, և  
Նույնիսկ նման հնարավորության դեպքում, այնուամենայնիվ, Երևանի  
քաղաքապետը պարտավոր չէր նշված տեղեկությունները տրամադրել  
հայցվորին, քանի որ կվերազանցեր իր լիազորությունները:

Այլ խնդիր է վերը հիշատակված 4-րդ կետում նշված տեղեկությունը (ունի,  
արդյո՞ք, քարի արտադրամասի տնտեսվարողը (ՄԻԶԱՅԵԼ ՂԱԶԱՐՅԱՆ  
ՍԵՐՊԵՅԻ Ա/Ձ-ն) համայնքային հողի օրինական օգտագործման կամ  
վարձակալության պայմանագիր քաղաքապետարանի կամ Աջափնյակի  
թաղապետարանի հետ, թե՞ նա պարզապես զավթել է համայնքին  
պատկանող հողը), որի առնչությամբ Երևանի քաղաքապետը

«Տեղեկատվության ազատության մասին» օրենքի իմաստով հանդիսանում է տեղեկատվություն տնօրինող:  
Այս առումով Դատարանն արձանագրում է, որ այն հանգամանքը, որ ի կատարումն ՀՀ վարչական դատարանի թիվ ՎԴ/5941/05/21 վարչական գործով 28.07.2021թ. տրված կատարողական թերթի՝ հարկադիր կատարումն ապահովող ծառայության Երևան քաղաքի Կենտրոն և Նորք-Մարաշ բաժնի ավագ հարկադիր կատարողի որոշմամբ արգելվել է Երևանի քաղաքապետարանին Երևան քաղաքի Սիլիկյան հին խճուղու հարևանությամբ գտնվող շինության քանդումը և/կամ ապամոնտաժումը, չի կարող հանդիսանալ վերը հիշատակված 4-րդ կետում նշված տեղեկության համար պատշաճ պատասխան, քանի որ հայցվող տեղեկության և պատասխանի բովանդակությունները տարբեր են՝ հայցվել է այլ բնույթի տեղեկություն, սակայն, տրվել է այդ մասով դիմումի բովանդակության հետ բոլորովին կապ չունեցող պատասխան: Ընդ որում, առկա չեն եղել սահմանադրորեն և օրենսդրորեն ամրագրված սահմանափակումներ՝ հայցվող տեղեկությանը պատշաճ պատասխանելու համար:

Անդրադառնալով դատական ծախսերի բաշխման հարցին, Դատարանն արձանագրում է հետևյալը.  
Հայաստանի Հանրապետության վարչական դատավարության օրենսգրքի 56-րդ հոդվածի համաձայն՝ դատական ծախսերը կազմված են պետական տուրքից և գործի քննության հետ կապված այլ ծախսերից:  
Նույն օրենսգրքի 57-րդ հոդվածի համաձայն՝ պետական տուրքի չափի, դրա վճարումից ազատելու, պետական տուրքի վճարումը հետաձգելու կամ տարաժամկետելու և դրա չափը նվազեցնելու հետ կապված հարաբերությունները կարգավորվում են «Պետական տուրքի մասին» Հայաստանի Հանրապետության օրենքով:  
Նույն օրենսգրքի 60-րդ հոդվածի առաջին մասը սահմանում է, որ կողմը, որի դեմ կայացվել է վճիռ, կամ որի բողոքը մերժվել է, կրում է Հայաստանի Հանրապետության դատական դեպարտամենտի՝ վկաներին և փորձագետներին վճարած գումարների հատուցման պարտականությունը, ինչպես նաև մյուս կողմի կրած դատական ծախսերի հատուցման պարտականությունը այն ծավալով, ինչ ծավալով դրանք անհրաժեշտ են եղել դատական պաշտպանության իրավունքի արդյունավետ իրականացման համար:  
Նկատի ունենալով, որ հայցադիմումով ներկայացված ոչ գույքային պահանջի համար պետական տուրքի գումարը նախապես վճարված է, իսկ հայցը ենթակա է մասնակի բավարարման, ուստի, Դատարանը գտնում է, որ Երևանի քաղաքապետարանից հոգուտ հայցվորի ենթակա է բռնագանձման 10.000 ՀՀ դրամ՝ որպես նախապես վճարված պետական տուրքի գումար:  
Հիմք ընդունելով վերոգրյալը և ղեկավարվելով Հայաստանի Հանրապետության վարչական դատավարության օրենսգրքի 60-րդ, 114-րդ, 123-127-րդ և 132-րդ հոդվածներով, Դատարանը՝

**Վ Ճ Ռ Ե Ց**

«Ինֆորմացիայի ազատության կենտրոն» ՀԿ ընկերության հայցը բավարարել. պատասխանող Երևանի քաղաքապետարանին պարտավորեցնել օրենսդրությամբ սահմանված կարգով և պահանջների պահպանմամբ «Ինֆորմացիայի ազատության կենտրոն» ՀԿ ընկերությանը տրամադրել հետևյալ տեղեկությունը. ունի, արդյո՞ք, քարի արտադրամասի տնտեսվարողը (ՄԻՔԱՅԵԼ ԴԱՉԱՐՅԱՆ ՍԵՐՊԵՅԻ Ա/Ձ-Ն) համայնքային հողի օրինական օգտագործման կամ վարձակալության պայմանագիր քաղաքապետարանի կամ Աջափնյակի թաղապետարանի հետ, թե՞ նա պարզապես զավթել է համայնքին պատկանող հողը:  
Երևան քաղաքապետարանից հոգուտ «Ինֆորմացիայի ազատության կենտրոն» ՀԿ ընկերության բռնագանձել 10.000 (տաս հազար) ՀՀ դրամ որպես նախապես վճարված պետական տուրքի գումար:

Վճիռը կամովին չկատարելու դեպքում կկատարվի Հարկադիր

	<p>կատարումն ապահովող ծառայության միջոցով՝ պարտապանի հաշվին: Վճիռն օրինական ուժի մեջ է մտնում հրապարակման պահից մեկ ամիս հետո և մեկամսյա ժամկետում կարող է բողոքարկվել վերաքննության կարգով՝ Հայաստանի Հանրապետության վերաքննիչ վարչական դատարան:</p> <p>ՆԱԽԱԳԱՀՈՂ ԴԱՏԱԿՈՐ ԱՐՄԵՆ ՆԵՐՍԻՍՅԱՆ</p>
<b>Դատական ակտի ամսաթիվը:</b>	09-06-2022
<b>Ակտով հոգուտ պետ. բյուջեի բռնագանձման ենթակա պետ. (ՀՀ դրամ):</b>	0
<b>Ակտով հոգուտ պետ. բյուջեի բռնագանձ. ենթակա պետ (ԱՄՆ դոլլար):</b>	
<b>Ակտով հոգուտ պետ. բյուջեի բռնագանձ. ենթակա պետ (Եվրո):</b>	
<b>Ակտով հոգուտ պետ. բյուջեի բռնագանձ. ենթակա պետ (ՌԴ ռուբլի):</b>	
<b>Ամբողջությամբ կամ մասնակիորեն բեկանելու և ... մասին դատական ակտ կայացրած դատավորների ցանկ</b>	
	Դատարանի անվանում: Վարչական Դատավորի անուն: